

Ёшларимизнинг Ватанимиз келажаги учун жавобгарликни зиммасига олишга қодир бўлган, бугунги ва эртанги кунимизнинг ҳал этувчи кучига айланиб бораётгани барчамизга ғурур ва ифтихор бағишлайди.

Шавкат МИРЗИЁЕВ

O'zingni angla!



Hurriyat

Mustaqil gazeta

2021-yil
11-avgust
chorshanba
№ 33 (1249)

Gazeta 1996-yil dekabr dan chiqa boshlagan * www.uzhurriyat.uz * @ gazhurriyat@mail.ru * t.me/hurriyatuz * f Hurriyat gazetasi

ЎЗУР

Кўкларга кўтариб Ўзбекистонни...



Бу олам яратилибдики, одам болалари кучли инсон рутбасига чиқиш учун интилади. Чунончи, ушбу истак эпкилари Алпомиш, "Рустами дoston" сингари халқ эпосларида бизгача етиб келган. Буюк мутафаккир Пахлавон Махмуд ҳам фахру ифтихор ила, бизга яқинлашган чумоли арслонга эврилади, қабилдаги гоани майдонга ташлаган эди:

*Бир зарб берамиз... чарх фили яқсон бўлгай,
Уфқ доираси ногораи шон бўлгай,
Жой олса чумоли гар бизим сафлардан,
Давлатимиз тугайли арслон бўлгай.*

Туркийлар кучли инсонларни "Алп" деганлар. Алпомиш атамасининг негизда ҳам айнан шу сўз мавжуд. Жисмоний ва рухий қувватни ўз вужудида муштарак айлаган қахрамон Алпомишдир. Не ажаби, "Олимп чўққиси", "Олимпия" атамалари шу номга уйқаш. Неча оз йилларки, дунё аҳли ҳам ўз алпларни Олимпия ўйинлари орқали аниқлаб олади.

...Жорий йил шу жиҳати ила эсда қоляптики, дунё спорт мухлисларининг нигоҳлари Япониянинг Токио шаҳрига қадалди. XXXII ёзги Олимпия ўйинлари чоғида икки юздан ортқ де-

леғациялар вакиллари қаторида серкуёш Ўзбекистонимиз спортчилари ҳам кураш олиб бордилар. Вакилларимиз спортнинг 17 та тури бўйича 71 та йўлланма асносида қатнашди. Таэквандо, дзюдо, оғир атлетика, эркин кураш ва бокс жамоалари биттадан медал олиб берди. Алапхусус, алпларимиз 3 та олтин ва 2 та бронза медалларини қўлга киришти, дунёнинг 206 мамлақати орасида 32-уринни эгаллашди. Таққослаш жараёнида

2-6.

ИФТИХОР

Сирожиддин САЙИД,
Ўзбекистон халқ шоири

МАРД МАЙДОНДА СИНАЛГАЙ

Ғолиб ва музаффар ўзбек ўғлонларига

Шавкатли замонларнинг
ўғлонлари сиздирсиз,
Бирингиз қош бўлсангиз,
бировингиз кўздирсиз.
Осонми бу дунёда
юрт донгини таратмоқ,
Олам аҳли юзини
бир зарбингга қаратмоқ.

Сангардак суваридан
ичиб кетган боламсан,
Томиримсан, гиёҳим,
майсамдирсан, поламсан.
Бир муштингда миллатнинг
залвори бор, юки бор,
Термизий боболарнинг
дуоларин кучи бор.

Дунё ўзи нимадир –
чексиз кураш майдони,
Тиш қайраб турса бунда
арслонига арслони.
Дилбандингни сен ўзинг
қўллаб тургил, отажон,
Ўзбекистон, жонажон,
Ўзбекистон, онажон!

Алп эрларнинг наслисан,
Алпомишлар авлоди,
Баҳодирсан алпкомат –
Жалолддин зурёди.
Етти иқлим зўрларин
енга олган фарзандим,
Дилу жони жонимга
пайваста ҳам пайвандим,

Чин фарзандлар курашгай
номус учун, ор учун –
Дилда Ватан бор учун,
Дилда Ватан Ёр учун.

Ёт элларда ҳайиқмай
майдонга тушганинда,
Рингмас, гўё ўт-олов
сандонга тушганинда –
Кўксим аро потирлаб
қушга айланди дилим,
Ҳар зарбингдан менинг ҳам
мушга айланди дилим.

Кураш надир: гоҳ энгмоқ,
гоҳида энгилмоқдир,
Энгилмогинг осону
енгмогинг қийинроқдир.
Пахлавон Махмудларнинг
тумори бўйингизда,
Қадрдонлар соғинчи,
хумори кўнглингизда,

Ай болам-ай, ўпайин
қошларинг, қароғингдан,
Олам аро энг баланд
кўтарган байроғингдан!
Шавкатли замонларда
шаъну шавкат яралгай,
Шундай юксак онларда
халқ ва миллат яралгай!

Бирингиз – йигирма ёш,
бирингиз йигирма беш,
Дунё надир, энг аввал
иддаосин қилгай пеш.

... Қалқиб турди кўзимда
жолаларим – жонларим,
Нону тузин пок-ҳалол
оқлолган ўғлонларим!
Шаънингизга шеър битдим,
тунларим сибё бўлди,
Тўккан севинч ёшимдан
ҳар сўзим гиёҳ бўлди.

Дилбандингни сен ўзинг
қўллаб турдинг, отажон,
Ўзбекистон, жонажон!
Ўзбекистон, онажон!
Мард ўғлонлар олишгай
номус учун, ор учун,
Дилда Ватан бор учун,
Дилда Ватан Ёр учун,
Дилда Ватан Ёр учун!

Чин фарзандлар курашгай
номус учун, ор учун –
Дилда Ватан бор учун,
Дилда Ватан Ёр учун.

ҚАШҚАДАРЁ ВИЛОЯТИ ҲОКИМИ ЗОИР МИРЗАЕВ ЎҚИСИН!



Маълумки, айни чоғда ўзбек журналистикаси, босма нашрлар, айниқса, Қашқадарё вилоятида нашр этилаётган кўпгина газеталар моддий-маънавий жиҳатдан жуда оғир аҳволга тушиб қолган. Эътиборсизлик шу даражадаки, вилоят ҳокимлиги ва вилоятдаги соҳага "садаганг кетай" мутасаддилар 2021 йил обунаси учун номига бўлса-да "тавсия этамиз" деган сўзни ҳам айтишмади. Оқибатда эса жамиятнинг кўзгуси бўлган босма нашрлар айни пайтда хира тортулик аҳволда...

"Hurriyat" газетасининг шу йил 9 июндаги 24-сониде асли муборақлик, бугун пойтахтда яшаб, ижод қилаётган шоир-журналист Очил Тоҳирнинг "Муборак ҳаёти"нинг ҳаёти сўндими?" — дея кўнчақлик билан ёзган мақоласини ўқиб қолдим. Бунда у газета муҳарририни ношудликда айблайпти. Мен Очил акани тушунаман. У кишининг қизишганида ҳам жон бор. Чунки у киши бундан йигирма беш-уттиз йиллар олдин Муборакда зўр ишлаганди. У пайтлари нефтьчи ва газчилар

маскани бўлган Муборакда тулман телевидениеси фаолият кўрсатарди, урта босма нашр — "Муборак ҳаёти", "Халқ овози", "Ўзбекистон ёнилғи-энергетикаси" — "Топливная энергетика Ўзбекистана" газеталари чоп этиларди. Мамлакатимиз иқтисодиётининг таянчларидан ҳирисобланган Муборак газни қайта ишлаш заводи ва Муборак нефть-газ қазиб чиқариш бошқармалари ҳисобидан обуналар ташкил этиларди. Одамлар газеталарни бепул ўқитар, жамиятдаги воқеа-ҳодисаларга му-

4-6.

НУҚТАИ НАЗАР

Дунёни кўз қорачигидек асраб-авайлаш, авлоддан-авлодга мукамал етказиш, одам зотининг зиммасидаги масъулият. Бунда Яратган Эгамнинг бизга берган буюк инояти — илм-заковат, фаҳм-фаросат, одамийлик бурчи муҳим аҳамият касб этади. Тарих шохидки, илм йўлини тутган давлатлар гуллаб-яшнаган, муаммолар ақл-идрок билан ҳал этилган. Инсон тафаккури олис юлдузларгача етиб борган.

Испомий манбаларда Қасир ибн Қайсдан қилинган куйидаги ривоят келтирилади: "Мен Расулulloҳ (с.а.в.)дан куйидагиларни эшитдим: "Қим илм талаб қилиш йўлини тутса, Аллоҳ унга жаннат йўлини осон қилиб кўяди. Олимга осмондаги ва ердаги зотлар, ҳатто сувағи балиқлар ҳам ис-

УЮШМА ФАОЛИЯТИДАН



Илм, тафаккур билан янги уйғониш сари

тиффор айтади. Олимнинг обиддан фазли худди ойнинг бошқа юлдузлардан фазлига ўхшайди. Олимлар набийларнинг меросхўрларидир. Набийлар ўзларидан динор ҳам, дирҳам ҳам мерос қолдиришмаган. Улар илми мерос қолдиришган. Қим ўшани олса, улуг насибани олибди".

Пайғамбаримиз саҳобаларидан Абу Зарр ривоят қилган ҳадисда бундай дейлади: "Набий соллаллоҳу алайҳи ва саллам: "Олимнинг мажлисида ҳозир бўлиш минг ракат намоздан, мингта касалли бориб кўришдан, мингта жанозада иштирок этишдан афзалдир", дедилар.

Шунда: "Ё Расулulloҳ, Қуръон тиловатидан ҳам яхшироқми?", деб сўрашди. Пайғамбаримиз (с.а.в.) "Илм бўлмаса, Қуръон тиловати фойда берадими?", дедилар".

Илм хосияти ҳақида кўп улуг фикрлар айтилган. Мустақиллигининг 30 йиллигини нишонлашга ҳозирлик кўраётган юртимиз маънавий-маърифий ҳаётида юз бераётган салмоқли ўзгаришлар хусусида гап кетганда, шубҳасиз, Ўзбекистоннинг илмий тафаккур оламига қайтаётгани биринчи галда тилга оли-

2-6.

Наманганда матбуот анжумани ўтказилди

Наманган шаҳридаги "Ойдин плаза" меҳмонхонасининг анжуманлар залида вилоят ташқи саёдо ва инвестициялар бошқармаси ҳамда Ўзбекистон Журналистлари ижодий уюшмаси Наманган вилоят бўлими томонидан матбуот анжумани ташкил этилди. Мазкур анжуманда "Тадбиркорларга яратилаётган шарт-шароитлар, уларнинг ривожланиши ҳамда муаммоларини ҳал этишга қаратилган масалалар" мавзусига эътибор қаратилди.

Анжуманда вилоятда рақобатбардош тайёр махсулотлар ишлаб чиқариш ҳажмларини ошириш, тўғридан-тўғри хорижий инвестицияларни кенг жалб қилиш, инвестиция лойиҳаларининг ижтимоий-иқтисодий самарадорлигини таъминлаш ҳамда шу асосда юқори даромадли иш ўринлари яратиб келинаётгани алоҳида таъкидланди.

4-6.

КҮНГИЛ МУЛКИ

Неварам Тошкентда – университетда тахсил олади. Таътил кунларининг бирида ҳозирги ёшларнинг билим даражасини ўзимча синаш учун уни гапга солдим:

— **Адабиёт назариясини қайси китоб бўйича ўрганяпсизлар?**

— **“Адабиёт назарияси”, деган дарслик бор экан ўзи, бобо. Домларимиз шу китобни ўқинлар, деди, ўқияпмиз.**

— **Яхши эканми?**

— **Яхши.**

— **Хўш, нимаси яхши экан, айт-чи...**

— **“Адабиёт назарияси” дейсану, адабиётнинг ўзини ўқимасизларда. Масалан, Пайгамбаримиз ҳадисларидан сабоқ берилляптими?**

— **Ҳадисларнинг адабиётга нима алоқаси бор?**

— **Энг биринчи адабиёт назарияси ҳадисларда билсанг, яъни Пайгамбаримиз Муҳаммад Мустафо соллаллоҳу алайҳи ва салламнинг муборак каломларидир. Дунёда бундан улугроқ илм ҳам, фан ҳам йўқ билдингми?! Набирам индамади, балки менга ҳайрон бўлиб қаради.**

Сўнг Тавҳид фақатгина “Ла илаҳа иллагаҳ” калимасидан-да иборат эмаслиги ҳақида ўзимни босолмай узоқ гапирдим, у намозхон талаба сифатида одоб билан менинг куйиб-пишишларимга қараб, жим ўтирди.

— Нимаики ёзсанг, нимаики иш қилсанг, кўз олдинда доим ҳадислар турсин, чунки муборак ҳадисларда одамзод боласи дуч келадиган ҳамма саволларга жавоб берилган. Сен билан бизнинг вазифамиз у каломларга — чашмадек улуг маърифатга амал қилмоқдир. Бунинг учун уларни сўнгсиз муҳаббат билан ўрганмоқ, тақрор-тақрор ўқимоқ керак. Ҳадисларни сен кечаю кундуз, ҳатто тушингда ҳам... ўқийсанг керак. Муҳаббатинг шу даражага етсинки, ҳадислар кўнглингга келиши билан кўзларингдан тиржираб ёш чиқиб, кўксинг иккига бўлиниб кетадигандай бўлаверсин, билдингми? Кўзимдаги ёшнинг хурматини қилибми неварам бу сафар “тушундим!”, — деди.

— Тушунган бўлсанг... Шундан кейин сен бошқача ёза бошлайсан. Биласанми, тўғри сўзнинг гавҳари, оҳанграбоси бўлади. Ҳар бир одамда нурафшон ёруғликка мойиллик бор. Шунинг учун улар ёзганларининг ўқиб дил роҳатини тудидилар. Ҳаммамиз ҳам оловга қўлимизни тутиб, исинишни яхши кўрамиз, аммо ҳеч ким ўзининг... аввал ўтин,

сўнг олов бўлишини истамайди. “Ҳеч ким”, деганим нотўғри, бу дунёда оловдай ёниб ётган одамлар кўп ва ўшалар туфайли бизнинг кўнглиларимиз музлаб, тўнглаб қолгани йўқ. Ана шундай зотлардан бири Шоҳ Машраб ҳазратлари эди. Яна бири шоир Рауф Парфи. Шоҳ Машраб — илоҳий зот эди. Авлиё бўлган зот. Оғзидан чиққан гап амалга ошганда. Ҳатто у ўз қотили — Балх ҳокимига қараб: “Сен менга ҳозир иззат-икром кўрсатиб, меҳмон қилаясан. Аммо қотилим ҳам ўзинг бўласан”, — деб айтган.

Ва шундай бўлди ҳам. Ўқиш ва ўқиш керак буларни. Чунки Машраб ғазаллари нақадар улуг сўз санъати билан битилган. У ҳатто ёзганларини тирик-лигида тўплаб девон ҳам тузган шоир эмас. Машраб шеърлари халқ кўнглидан жой олган, одамлар ўқиб, тилдан-тилга кўчиб юрар эди. Машраб чинакам ошиқ, Ҳақнинг ошиғи эди! Рауф Парфи ҳам — ошиқ, дил ошиғи, руҳият мусаввири эди.

Шоир Рауф Парфи билан кўп суҳбат курганман. У 1996 йилнинг ёзида Деновда бир неча кун меҳмон бўлган эди. Денов тумани собиқ ҳокими Тилло Менглиев (охирати обод бўлсин ҳар иккисининг) шоирга кўп эҳтиром кўрсатдилар. Уша йиллари мен Денов тумани ҳокимининг биринчи ўринбосари бўлиб ишлардим. Рауф Парфининг Денов сафарига ҳамроҳлик қилганман.

Биз бу тўрт кунлик дунёда уйимизни, машинамизни... нақшлашга зўр берамиз, Рауф Парфи эса юрагига нақш берди, шунинг учун шоир битган ҳар бир китоби менинг кўзимга жаҳоҳир тўла сандиққа ўхшаб кўринади.

Бировнинг кимлигини билмоқчи бўлсанг, уни тинглаб, суҳбатлашиб кўр, дейишади. 1970 йилда ёзилиб, 1975 йили “Хотират” китобига кирган “Шоир”, деган шеърда Рауф Парфи ўзининг бу дунёдаги вазифаси ва ўринини аниқ кўрсатиб қўйган:

**...Не эллар ва танлар гулҳанда ёниб,
Шоир кўз ўнгидан ўтади бир-бир,
Барчанинг дардини ўзига олиб,
Мажнун бўлиб юрар шунинг-чун шоир.
Ҳали бўғизларда бўғилар нафас,
Эски яралардан чак-чак томар қон.
Шоирни куйлатган табиат эмас,
Шоирни куйлатган ҳазрати Инсон.
Тикандир жонини ватанга у,
Бу сўз қаршида титрама, эй жон.
Ўзма-юз келгандек гўё ўт ва суе,**



**Ўзма-юз келадир шоир ва замон.
Буюк эътиқоддир бу даҳр аро йўл,
Буюк эътиқоддир муборак илҳом.
Шоир юрагидан очилмаган гул,
Шоир юрагидан собит интиқом.**

Шеър “Абдуллажонга”, дейилгани билан, гап шоирнинг ўзи ҳақида эди. Шоир ва Замоннинг ўт билан сувдай эканлигини овозга қилмоқ учун бағишлаб шунчаки чалгитувчи қалқон вазифасини ўтаганлигини фахлмоқ учун кўп ақл шарт эмас. Рауф Парфи шундай ва бошқа ваъдаларининг устидан чиқди — то умрининг охиригача ўзи эгаллаган, минг машаққатлар билан забт этган марралардан бир қадам ҳам чекинмади. Шеърят чўққисидан собит қолди.

Ёши эллиқдан ўтган шоир аҳволини мана бундай баён қилган эди:

**“Саҳроларнинг подшоши қани?
Қани вишиллаган ёвуз илонлар?
Наҳотки бир ўзим қолдим саҳрода”.**

Биласанми, бу ёлғизлик одамни ҳаволантиради. Ёки шоир шўро салтанатининг энг гуллаган 1983 йили ёзган “Абдулҳамид Чўлпонга муҳаммас”ига бир эътибор қилиб кўригана:

**“Ўзлашдинг балоларга аламлар
ичра кўзлашдинг,
Ўзинг куйдинг, ўзинг ёндинг
ўзгалар ҳаққи ўзлашдинг.
Бу қул бозорида изғиб қумрилар
каби бўзлашдинг,
Кўнгли, сен бунчалар кишанлар
билан дўстлашдинг.
На фарёдинг, на додинг бор,
нечун сен бунча сўстлашдинг,
Кўзимга ҳоқи туроним,
озодлик учун йўқми
Бу кунлардан умид йўқми?
Йўлларинг қаро тунмасми,
Ҳазон бўлган баҳор семми,
нишон ҳурликдан уммасми,
Ҳақорат дилни огритмас,
тубанлик мангу тинмасми,**

**Кишанлар парчаланмасми,
қиличлар энди синмасми?!
Аллоҳ, Аллоҳ йиғларсан
булутдек бағри сўзсансан,
Мунавварсан, мукаррамсан,
рисолат тугида шонсан.
Сен Каъбамсан – Туркистонсан,
хунумсан сен ахир қонсан,
Тириксан, ўлмағонсан,
сен-да одам, сен-да инсонсан,
Бўйин эзма, кишан кийма-ки
сен ҳам хур тўғилғонсан”.**

Кўрапсанми, бундай сатрларни битмоқ учун фақат шоир бўлишнинг ўзи жудаям камлик қилади: Саҳрода... Ёлғиз қолиш эса аслида саодатдир. Қанчадан-қанча истеъдодлар бу... Саодатнинг... юкини кўтаролмай — моддий олам азоб укубатлари, йўқчиликлар, камситишлар, оёқ ости бўлишлар, эътиборсизликлар ва бундан бошқа кўп ташвишларга чидамасдан шайтоннинг лашкарига қўшилиб кетди.

Рауф Парфи “Наҳотки бир ўзим қолдим саҳрода”, деб балки ана шундай йўқотишларни назарда тутмадимикан? Рауф Парфи шеър ўқиганда деворга ҳам жон кирар эди. Рауф Парфининг нақадар буюк шоирлигини, нақадар улуг инсонлигини бировларга тушунарли қилиб тушунтириб беролмаслигим барибир баъзан менга алам қилади. Рауф Парфи ўта миллий шоир бўлганлиги учун ҳам... умуминсонийдир, шунинг учун, у бирон марта ўзбекни, Ўзбекистонни бошқа миллатлардан, бошқа давлатлардан баланд кўрмайди, яъни, айрим замондошларига ўхшаб миллатга ва мамлакатга муҳаббатини кўрсатмоқлик учун миллатчилик қилмайди.

У дунёга теран кўз билан қараб, хурлик ва озодлик руҳини ҳар бир миллатдошимиз қалбига синдиришнинг нияти қилган эди.

Шоирнинг бу эстетик концепцияси Пайгамбаримиз Муҳаммад Мустафо соллаллоҳу алайҳи ва салламнинг “Арабининг аждадан афзаллиги йўқ — қайсида тақво кучли бўлса, ўша афзалдир”, деган муборак ҳадислари билан барқарорлашадигандек. Неварамга адабиёт ҳақида яна кўп гапларни айтиб бердим. Унинг кўзларида учкунни кўргандай бўлдим!

Тоштемир ТУРДНЕВ,
Ўзбекистонда хизмат кўрсатган маданият ходими.

TURON BANK | 30 йил
Сиз билан бирам!

Барқарорлик белгиси!

**Сизнинг автомобилингиз -
сизнинг қулайлигингиз**

**Автокредит - 24%
4 йил муддатга**



Хизматлар лицензияланган.

1220
99895 144-60-00

www.turonbank.uz

turonbank | turonbankuz | turonbank



Respublika Ixtisoslashtirilgan
Urologiya Ilmiy-amaliy Tibbiyot
Markazi

**Соғлиқни сақлаш вазирининг
2021 йил 19 июлдаги 172-сонли
“2021-2022 ўқув йилида клиник ординатура
(РЕЗИДЕНТУРА)ГА ҚАБУЛ ҚИЛИШ ТЎҒРИСИДА”ги
буйруғи билан Республика ихтисослаштирилган
Урология илмий-амалий тиббиёт Марказига ҳокимлик
тўлов-контракти асосида 13 та мақсадли ўринлар
ажратилганлигини маълум қилади.**



**Тўлиқ маълумотлар марказ сайти (rscu.uz)да
берилган.**

Мурожаат учун телефон : 97 775 8111

Реклама ҳуқуқи асосида.

